

# KPELE

Gamei ye shikwɛɛ kusumi sɔtoɪ ni kɔɔ mumɔŋ nibii ahe. Shikwɛɛ kusumi nɛɛ atɛŋ eko ni eji obuade kusum lɛ ji Kpele.

Ye Kpele kusum naa lɛ, Obɔade Nyɔŋmɔ gbɛi ji Ataa Naa Nyɔŋmɔ, ni shishitsɔɔmɔ ji akɛ obɔade Nyɔŋmɔ nuu ni, ni yoo hu ni. Gamei heɔyeɔ akɛ Nyɔŋmɔ hiɛ nuu kɛ yoo fɛɛ asui. Amɛhemɔkeyeli ji akɛ Ataa Naa Nyɔŋmɔ ji mɔ ni bɔ nibii fɛɛ, ni lɛ ebii ji jemawɔji lɛ. Ni akɛ ni lɛ ebɔ nibii fɛɛ lɛ, ekɛ emumɔ lɛ eko wo adebɔɔ nibii komɛi amlɪ. Nɛkɛ hemɔkeyeli nɛɛ hewɔlɛ, Gamei kɛ woo haa adebɔɔ nibii ni bɔlɛ amɛ lɛ ejaakɛ amɛnaa nyɔŋmɔ ketɔɔ adebɔɔ nibii nɛɛ anɔ. Amɛyaaa nyɔŋmɔ ŋkɔ trɔmɔɔ mon amɛtsɔɔ jemawɔji lɛ anɔ keyaa nyɔŋmɔ ŋkɔ. Mumɔɪ nɛɛ ji mɛi ni damɔɔ nyɔŋmɔ kɛ gbɔmɛi atɛŋ. Mumɔɪ loo jemawɔji nɛɛ bɛ amɛshilɛ hei komɛi pɔtɛɛ, ni no hewɔ lɛ, amɛnyɛɔ amɛhiɔ adebɔɔ nibii titrii amlɪ tamɔ fai, kraakpoi ŋshɔ k.n.k.n. Naaye nɛkɛ lɛ esumɔɔ ŋshɔ ni no hewɔ lɛ ŋshɔ mli eyɔɔ, ni korle sumɔɔ mukpo ni no hewɔ lɛ mukpo mii eyɔɔ. Jemawɔji lɛ haa aleɔ amɛsumɔɔ naa nii ketɔɔ naawielɔɪ sɔtoɪ anɔ, ni amɛtɛŋ mɛi komɛi ji wulomɔ kɛ wɔyei. Amɛhalaa mɛi nɛɛ kɛjɛɔ wekui pɔtɛɛ komɛi amlɪ loo bei komɛi lɛ amɛŋkɔ mɛi ni amɛsumɔɔ. Ni amɛmɔmɔɔ mɛi nɛɛ ketɔɔ mumɔ ni bayiɔ amɛnɔ loo ketɔɔ helai ni amɛhaa emɔmɔɔ mɛi ni amɛsumɔɔ lɛ. Ni kɛ eba lɛ nakai lɛ, hela lɛ ejɔɔɔ bɛja mɔ lɛ

[www.TheGaDangme.com](http://www.TheGaDangme.com)

[www.facebook.com/TheGaDangme](https://www.facebook.com/TheGaDangme)

[www.youtube.com/TheGaDangme](https://www.youtube.com/TheGaDangme)

## continued

ebasomɔ jemawɔŋ le dani ebaana etsamɔ. Ataa Naa nyɔŋmɔ le ebe gbaatsu tamɔ jemawɔji le yɔɔ gbaatsu le. Ejaake jemawɔji le damɔ amɛke gbɔmɛi atɛŋ. Ni no hewɔ le jemawɔji le ji mɛi ni tsɔɔ nɔni esa ni afee ni ana niyenii loo ana loo babao loo anyɛ atsa hela ko loo afo hela ko sɛɛ kwraa.

Ye Kpele mli le, Gamei heɔ ameyɛɔ akɛ ke mɔko gbo le ekud esɛɛ ebabalaa ekonɔ. Hemɔkeyeli le tsɔɔ akɛ mɔ le susuma yaa Gbohiajɛŋ, ni mɔni egbo le susuma jɛɔ jemɛ ni ekɛ ewekumɛi sharaa, ni ekɛ amɛ wieɔ loo gbaa sane ketɔɔ hei komɛi tamɔ wɔlamɔ mli.

Hiɛkalɔi nyɛɔ amɛ ke susumai nɛɛ gbaa sane ni amɛke amɛhehiamɔ nibii shwieɔ amɛhiɛ ke saji srɔtoi hu. Hiɛkalɔi le jaaa mumɔi nɛɛ shi mon amɛbiɔ wamɔi kejɛɔ amɛdɛŋ tamɔ jemawɔji le nɔŋŋ.

This Article was translated into Ga by Nii Adjetey Adjei of Obonu TV

[www.TheGaDangme.com](http://www.TheGaDangme.com)

[www.facebook.com/TheGaDangme](https://www.facebook.com/TheGaDangme)

[www.youtube.com/TheGaDangme](https://www.youtube.com/TheGaDangme)